



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Symbola Trinitatis, Id Est Trinitatis diversarum rerum, ex  
Veteris ac Novi Testamenti Scripturis, Historijs &  
exemplis; nec non congruentioribus rerum naturalium  
similitudinibus conscripta ...**

**Duplan, Theodore**

**Ruraemundae, 1663**

60. Christus a resurrectione apparet tribus mulieribus habentibus tres  
pyxides.

**urn:nbn:de:hbz:466:1-12221**

## SYMBOLUM 59.

*Christus tribus diebus in sepulchro.*

(a) **H**Oste triumphato plutonia regna tremendus  
 Ingreditur, vinctos laxet ut inde patres.

Cerberus horrescens triplici prius ore timendus,

Cogitur æterno subdere colla iugo.

Tertia lux oritur, procerum stipante caterva

Christus ovat, patres restituitquæ Patri.

(a) id est morte, fort. ori morte, devictâ ut ait Isid. Pelus. lib. 2. Epist. 112.

N. Prima dies passio Salvatoris est. Secunda quâ descendit ad infernum. Tertia autem resurrectionis dies est. Tres etiam dies non incongruè possumus dicere Patrem & Filium & Spiritum Sanctum. Et hi tres unus dies. Ita S. Aug. serm. 90. de temp. aliàs tom. 10. fol. 192. Alij intelligunt per tres dies. 1. quo Filius ab æterno a Patre genitus. 2. quo in tempore natus. 3. quo e sepulchro resurrexit: sic enim explicant triduum quo Jonas in ventre ceti.

## SYMBOLUM 60.

*Christus a resurrectione apparet tribus mulieribus habentibus tres pixides.*

**T**Res abeunt matres (a) stimulo pietatis, opisquæ,  
 Intrepidæ tumulum, nocte silente, petunt.

Perfusæ lacrymis veterem testantur amorem,

Nec tenebræ, faxi nec remoratur onus.

Omnia vincit amor, se Christus amantibus offert,

Symbola dum Triadis tres, tria vasa gerunt.

(a) Per tres mulieres intellige; quod mente, linguâ, manu Caritas sit exercenda. Vide Bernardum de resurr. Dom. Serm. 2.